



Broj: 01-49-65/17-4  
Datum: 13.2.2017. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-23-9-930/16-3 od 13.12.2016. godine, načelnik Općine Travnik, **d o n o s i**

## **R J E Š E N J E** **o izboru najpovoljnijeg ponuđača**

### **Član 1.**

Prihvata se Preporuka Komisije za javne nabavke, broj: 01-49-65/17-3 od 13.2.2017. godine i ugovor za javnu nabavku usluga Održavanje prostornih podataka (GIS) za potrebe općine Travnik u 2017. godini“ dodjeljuje se ponuđaču „GAUSS“ D.O.O. TUZLA, za ponuđenu cijenu od 17.854,29 KM sa PDV-om, kao najbolje ocijenjenom ponuđaču.

### **Član 2.**

Prijedlog ugovora o nabavci dostavit će se na potpis izabranom ponuđaču „GAUSS“ D.O.O.TUZLA po proteku roka od 15 dana od dana objave dobrovoljnog ex ante obavještenja u skladu sa članom 28. stav (7) Zakona o javnim nabavkama).

### **Član 3.**

Za izvršenje ovog rješenja zadužuje se i ovlašćuje Služba za zajedničke i komunalne poslove.

Ovo rješenje objavit će se na web-stranici ugovornog organa istovremeno s upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine

### **Član 4.**

Ovo rješenje stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

## **Obrazloženje**

Postupak javne nabavke pokrenut je Rješenjem o pokretanju postupka javne nabavke usluga broj: 01-49-65/17 od 12.1.2017. godine. Javna nabavka je provedena pregovaračkim postupkom bez objave obavještenja. Procijenjena vrijednost javne nabavke bez PDV-a je 15.341,00 KM. Informacija o pregovaračkom postupku bez objave obavještenja broj: 01-49-65/17-1 poslata je na objavljivanje dana 24.1.2017. godine, na web stranici ugovornog organa [www.opcinatravnik.com.ba](http://www.opcinatravnik.com.ba).

Komisija za javnu nabavku imenovana je Rješenjem broj: 01-34-16-1031/16 od 16.12.2016. godine.

Komisija za javnu nabavku dostavila je dana 13.2.2017. godine izvještaj o radu broj: 01-49-65/17-3 od 13.2.2017. godine, koja je ujedno i izvještaj o ocjeni ponuda i preporuku o izboru najpovoljnijeg ponuđača u postupku javne nabavke usluga: „Održavanje prostornih podataka (GIS) za potrebe općine Travnik u 2017. godini“.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponude i ocjenu prispjele konačne ponude, o čemu je sačinila odgovarajuće zapisnike.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponuda, u skladu sa kriterijima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskim dokumentom.

Izabrani ponuđač „GAUSS“ D.O.O. TUZLA izabran je primjenjujući kriterij najniže cijene, kao autor i ekskluzivni vlasnik i prema tome jedinom ovlaštenom za pružanje usluga održavanja PROSTORNIH PODATAKA (GIS). Na osnovu navedenog a u skladu sa zakonom o zaštiti autorskih prava i međunarodnim ugovorima o autorskim pravima, te krivičnom zakonu BiH, „GAUSS“ d.o.o. Tuzla je jedini ovlašten da održava tehnologiju postojećih licenciranih softvera za održavanje prostorno informacionog sistema.

## **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

### **DOSTAVITI:**

1. Ponuđačima,
2. Arhiva.

